



UNIVERSITÄTS-
BIBLIOTHEK
PADERBORN

Universitätsbibliothek Paderborn

Basilea Sacra Sive Episcopatus Et Episcoporum Basileensium Origo Ac Series

Sudan, Claudius

Brvntrvti, 1658

23. Gebitzo seu Gebzo.

urn:nbn:de:hbz:466:1-11463

Anno
Christi
964.

GEBITZO,

S E V

G E B Z O,

Comes Altenburgicus.

Basileensis Episcopus.

XXIII.

Gebizo seu Gebzo, (rectiùs alij Gebhardum vocant) Filius Guntrami Comitis Altenburgici, Alsatia & Brisgoia Landgravij cognomento divitis, Basileensibus Episcopus accensetur à Lazio, Einzegero, aliis apud Guilliman. lib. 4. Habspurg. c. 2. ubi ait fundasse Cœnobium Altenburgense, vulgò VVeisfenovium, haud procul Ravenspurg. Fratres habuit Gunzelinum, Habspurgicae gentis propagatorem, Conradum Ergovia Comitem, & Bertilonem Dominum in Streichberg. Ioannes Menlius scribit, Episcopum

scopum hunc, Asceterium Sancti-
monialium Sulzbergensium in Bris-
goia condidisse, sub Othone III. qui
Imperij gubernaculum moderatus
est ab anno 984. ad annum 1002. Et
ab hoc eodem Othone impetravit
Rudolphus ultimus Burgundiæ rex,
confirmationem donationis, quæ E-
piscopo Basileensi Adalberoni ob
singularia merita donavit monaste-
rium Grandis-vallis unâ cum ditio-
ne integra, illiusque incolis. Data
Confirmationis litteræ Bruxellis,
anno septimo Imperij Othonis III.
Et ex hac donatione liberalitateque
Rudolphi Tertij, & ultimi, qui erat
Conradi filius, adeoque Rudolphi
secundi, Nepos & Abnepos Rudol-
phi I. Burgundiæ Regum, coniici-
mus, Rauracos & Basileam cum om-
ni ditione, Regni Burgundici finibus
comprehensam fuisse, eorundemq;
Regum liberali ope, Basileensium
I s Episco-

Anno
Christi
984.

*Anno
Christi
984.*

Episcoporum opes crevisse. Etenim, cum Grandi-valle accessit vallis S. Himerij, S. Vrsicini, aliæque plures ditiones, quæ etiamnum Episcopis Basileensibus antiquo jure parent. Liberalior verò fortè fuit Rudolphus in pias causas, quòd nullum hæredem procreârit. Improlis quippe vixit cum Hermengarde prima coniuge, cuius mentio fit in instauratione monasterij S. Mauritij apud Agaunum in Vallesia. Sed nec fœcundior rem ipsi thorum effecit Hildegardis altera coniux, de qua meminerunt vetera monimenta Ecclesiæ S. Anatolij Salinis in Burgundiæ comitatu, aliæque Cluniaci foundationes. Accedebat favor studiûmque, in pristinum statum restituendi Episcopatum Basileensem, Hungarorum, Nortmannorûmq; irruptionibus penè collapsum.

AD AL.